

張產經新

良方

謝周保產

婦人孕育至平常事亦至危險事稍一不慎非隕即傷富貴之家尤多產患由於平日不常勞動偶有不適醫藥雜投致有小產難產之虞母子莫全可勝浩歎 先文靖公

官漕督時曾刊姚文僖公所傳難產神驗良方一時救全者不少版經兵燹散失久思重鐫而未果也會嘉興王蔣昀孝廉來臺出示其鄉沈二榆明經所遺繡閣保產良方蓋按懷妊月分調治經驗不爽神妙非常因與難產方并屬蔣昀手錄一通付之剞劂以廣流傳夫用文僖之方則

難產可以轉危為安用二榆之方則產婦可以有安無危
雖扁鵲過邯鄲無以易也願共寶之癸巳人日餘
濂筱村氏識於臺北節署

居家必用方

居家以勿藥為喜而有不得不服藥者婦女為居家必
有之人產育為居家必有之事萬一不慎生死係之全
得難產第一良方歷數年來獲效如神百不失一誠神
道資生之橐籥也爰付梓人質諸同志願為舉世婦人
度一切苦厄名之曰居家必用方

古越姚文田秋農氏識于京邸客舍

難產神驗良方

大熟地壹兩

甘枸杞子壹兩

潞黨參壹兩

蜜炙黃耆壹兩

白歸身叁錢

酒炒白芍叁錢

白茯苓叁錢

醋炙龜版叁錢

如交骨不開
可加至壹兩

川芎窮壹錢

炙甘草壹錢

右藥十味秤足分兩不可增減產久不下連服此方
五劑即下如神但用頭汁不用次汁必須濃煎滿飲
則未效如產已下此方斷不可服

凡鄉居遠市者須於臨月時預買四五劑留家借用

產本無難瓜熟蒂落達生編詳言之矣然而有難產者
何哉蓋氣以成質血以成形夫人而知之矣產婦自受
胎而後氣以運胎血以養胎十月滿足然後臨盆到此
時候產婦氣血亦云竭矣每見難產之家張皇失措動
以破血散氣諸劑速之使下不知氣愈散則產愈難間
有用藏香等物竄觸使下不知香能散氣亦能提氣氣
愈提則產愈難甚至聽信穩婆手探刀割母子性命存

亡頃刻此種惡習尤為可慘此方專補氣血氣足則易於送胎出門血足則易於滑胎落地此理甚明人所易曉第恐難產之家或淆於旁人之議論或拘於產婦之體質或嫌製方之平常或嫌藥味之太重故置辨論數則於後

一或問產婦氣質不同虛者固宜峻補實者此方亦可服乎答曰可婦人臨產如臨敵醫生用藥如用兵譬如萬夫不當之將到對壘時不無氣喘神危得一勇士拔刀

相助自然全勝婦人到臨產時骨開肉裂血破氣下平時雖屬有餘臨時斷無不虛服此方是助一臂之力也

一或問臨產受感冒此方亦可服乎答曰可感冒者風邪也治之不外汗吐下三法臨產斂息屏氣上部毛竅齊開即有感冒邪從外解矣下部交骨已開胞水迸流即有感冒邪從下解矣服此方是以正辟邪也

一或問臨產服人參不較此方更妙乎答曰人參之力緩此方之力速人參之力如和風甘雨此方如烈風暴雨

譬如大旱必須大雨譬如凍餒待斃之人給之以錢何如給之以衣食為速活乎無論近時人參絕少佳者即有好參亦不敵此方之妙假如富家有力用參照方去黨參用人參參錢另煎和汁未為不可若用獨參湯斷不濟事也

一或問產痛與試痛異乎答曰異產痛者兒身已轉交骨已開胞水已破腹痛而腰如墜也試痛者兒身內轉交骨未開胞水未破腹痛而腰不墜也此方無論試痛產

痛俱可服余媳於癸卯年分娩三日不下幾致殞命舉
家驚慌蒙友人以此方見贈連服七劑并立願刊施一
千張安卧片時覺精神稍健次日禿然而產則此方之
神驗更可知矣

產已下此方斷不可服急用生化湯二劑以去惡露為
要附方於後

生化湯方

當歸陸錢

川芎肆錢

炒乾薑伍分

桃仁泥伍分

炙甘草伍分

右藥伍味水壹鐘黃酒壹鐘煎至壹鐘熱服對入童便壹鐘更妙

醫者意也意明理達然後可以言醫右難產神驗良方簡而不繁正而不譎余試驗久矣歲戊子旅居京邸秋農姚君繕讐成帙喜其辨論詳明瞭如指掌願同志者輾轉傳布雖小道亦足以不朽云

吳興李宗昉芝齡氏跋

余於京邸得此方屢試屢驗親友家有難產者勸服此方無不立效洵催生良藥也爰重刊之以廣其傳戊午中秋後五日姚江邵燦又村氏識於淮安節署

附胞衣不下妙方

胞衣不下由於氣虛一切方藥恐倉卒間未必應用即用之亦未必速效若用頭髮探喉恐一嘔之後其氣更虛倘再不下危矣余得妙方於錢塘高太史處屢試屢驗百不失一其方用高麗參參錢於臨產日預煎備用

俟兒已產即令服下其效如神切莫聽庸醫之言謂已
產不宜服參致令誤事此亦生死關頭不可不慎故附
及之又村氏并識

繡閣保產良方

懷妊一月不須服藥如有不安即當調治宜服安胎飲

白朮

貳錢微炒
養胃清痰

條芩

壹錢伍分微炒清
胎中熱降火消痰

水壹鐘煎服或研細末以清米湯調服壹匙

如血不足加歸身壹錢伍分

大安胎飲

當歸 貳錢

炙甘草 伍分

桑寄生 壹錢

人參 伍分

荊芥穗 伍分

煨川芎 壹錢

砂仁 壹錢炒
不去殼

煨白朮 壹錢

續斷 壹錢鹽
水炒

條芩 壹錢

熟地 壹錢
酒洗

白芍 壹錢
酒炒

水煎服如覺氣不順而喘加蘇梗壹錢

懷妊二月胎氣始盛逆動胃氣惡阻嘔吐飲食少進用陳

皮大半夏湯

陳皮 壹錢去白
鹽水拌晒 茯苓 壹錢

子芩 捌分
薑汁炒

半夏 貳錢伍分
製 枳殼 捌分
麩炒

紫蘇 捌分

甘草 伍分
炙

薑 壹片

水鐘半煎七分食遠服

懷妊三月惡阻不止飲食少進前方為主煎湯下抑清丸
川連薑汁炒三次研末米糊為丸如菜豆大不拘多少
服之

懷妊四月如覺倦卧不安或口苦頭痛腳弱及腫急服安
胎和氣飲

歸身壹錢伍分 白朮壹錢伍分 陳皮貳錢

酒洗

土炒

去白

黃芩捌分

茯苓捌分

香附捌分
鹽水炒

甘草

炙 伍分

川芎

伍分

白芍

炒 壹錢

水煎服熟多加山梔壹錢

懷妊五月覺胎長腹重睡卧不甯服養胎飲

白朮

炒 壹錢 伍分

白芍

酒炒 壹錢

歸身

酒洗 壹錢

澤瀉

壹錢

川芎

捌分

黃芩

炒 捌分

枳殼

剉分 炒

甘草

肆分 炙

水煎服

懷妊六月或腹痛或脹悶或胎動不安服大安胎如勝飲